

由庚堂集

由庚堂集卷之二

縉雲鄭汝璧邦章甫著

樂府

升天行

二首

圓儀廓泰宇蒼蒼何次寥玉蚪肅我駕睠言
凌九霄乘躋首天路泠泠御鮮飈絳闕宵無
極隱隱聞琳瑯左顧廣成子右招王子喬竦
身灝氣上嘯傲青霞標萬里始一息汗漫神

由庚堂集卷之一

何超指顧瞰瀛海蹄涔不容舳塵世苦刺促
蠅營良以勞寧知八極表千載方崇朝

初日浴咸池言睇九陽髮采采若木華芝童
導前節朝禮玉晨臺夕憇丹霞闕珠幢恍飄
颻金支炯明滅太始合玄符凌虛故超越華
池灌靈根神膏自凝結九炁翳霄暉精熒流
紺雪兩腋生羽翰永與人寰絕焦冥亦何爲
翳翳戲蜚睫

出塞曲 三首

晨風厲長阪徒御何嗶嗶陰曠蕩寒日遙見
皐蘭山金城限天塹百雉嚴重關七萃盡河
朔猛氣何桓桓皇威鬯沙漠青海無驚瀾衣
袂有深戒對食還忘飡佳兵古所慎念茲良
獨難

俊鶻思掣韉良驥耻伏櫪壯士騁雄圖勛名
起沙磧斥堠夜傳烽邊關曉飛檄厲部登層

俾單于在西北胡馬蹴平沙陽光黯無色驍
騎四五動迅奮無堅壁後隊未渡濠前軍已
俘馘振旅奏饒歌轅門殊未夕

王者示無外耀德不觀兵讐猾匪夙戒安用
存空名高秋塞草白代馬驤且鳴駕言飭蒐
乘射獵出邊城將士一何勁喑嘯駟風霆白
日耀戈甲黃雲掣干旌左乘搏雕虎右乘殲
奔麋吐谷罷南牧呼韓走先聲伐謀賢合變

綏馭良有程豈必事剽戮言要麟閣榮

白紵詞

二首

東風蕩漾楊花飛珠簾銀蒜圍春暉美人含
嬌出羅幃雙蛾揚淥送斜睇輕盈雅步若靡
依齊紈越羅裁舞衣迴腰垂手節音微博山
沉水流烟霏東方月明珠斗稀千載奉君君
莫違

君有旨酒盈瓊觴妾有舞袖熏都梁嘉賓萃

止開華堂繁花璀璨吐芬芳錦茵斜墊金鳳
皇尊前拂舞清音揚綺琴寶瑟間笙簧主人
問客夜渠央梁塵欲飛簾有霜千載奉君君
莫忘

將進酒

將進酒呼叵羅爲君起舞舞且歌六龍飛轡
不相待十洲仙闕空嗟峨君不見玉魚金盃
前朝墓樵牧猶知北邙路荒烟鳧兔出埏埴

斜日饑鷹嘯枯樹又不見平原隴
麥青油油云是昔時歌舞樓遺簪墮珥土花碧春犁折
斷珊瑚鈎今古豪華亦何有何物浮名能不
朽達哉張季鷹何如一杯酒絳河月出明星
稀進君之酒君莫違東方欲曙城烏飛

猛虎行

嗟爾猛虎日肉麋與麋夜傍赤彪臥朝從玄
豹嬉胡爲乎去爾之宅游彼中逵騰躩不及

展爪牙無所施嗟嗟今虎而

解一

掉尾戢威尚

有餘怖參不爾生恐決之怒維食有贍日麋

及兔直視眈眈不忘故處

解二

張我弓兮操我

戈虎逸圜兮知奈何

解三

燕歌行

遼陽木落草具腓蒲海天寒鴻雁飛月明皎
皎低入扉流輝忽照鴛鴦機念君從戎出武
威塞垣萬里音塵稀瓜期已及胡不歸中夜

耿耿賦無衣賤妾聞寂守空幃錦衾凝霜風
裂肌思君想像見容暉夢中彷彿向金微覺
來徬徨是耶非撫枕掩泣空歔歔百年鼎鼎
與願違人生幾何朝露晞

梅花引

灼灼隴頭梅禁寒半未開思君如玉樹清夢
隔瑤臺愁向江南寄春從笛裏催羅浮消息
杳翠鳥不曾來

野田黃雀行

黃雀飛飛以息掠野田
唼我稷毛微噉短易足
食黃鵠飛鼓其翼遨四
海遊八極南山尉羅北
山弋履危機安可測

結客少年場行

自負幽并俠常從許史
游千金訓駿馬七寶飾
純鈎度曲教周史當壚
調莫愁酒酣輕宿將白
首未封侯

飲馬長城窟行

駟馬長城下飲馬交河流燕支接大漠朔氣
橫高秋飛騎何赳赳六郡雄邊州論功萬戶
賞選士千金酬一舉犁老上再舉殲渠搜轉
戰蒲海外勒石條支頭歸來報天子何論龍
額侯

妾薄命

耀靈出滄海皛皛燭扶桑鳴鷄已戒旦晨曦

流洞房佳人攬衣起出戶曳鳴璫當軒理清
曲哀音不成章自言秦氏女姣好世無雙十
三工組繡十五織流黃十六爲中婦夫壻期
門郎夫壻從門來寶馬爛生光朱甍翼飛閣
画戟森高堂交凶羃綈錦文茵薦象床流蘇
九華帳四角垂香囊雙絲合歡被一一交鴛
鴦博山褰溫火迷迭流芬薌齊心偕婉孌千
秋殊未央歡愛不畢席胡爲戒戎行萬里隔

秦塞隴阪阻且長秦山何奕奕隴水何湯湯
乘障守玄菟寄書來白狼上言遠別離相憶
莫相忘下言未來歸斷絕摧肝腸邊城七八
月朔氣亦先涼笳吹咽明月沙磧飛嚴霜冥
冥天漢遠噉噉鴻雁翔白草接吐谷大野秋
茫茫都護夜擐甲健兒朝挽強飲馬渡河水
接戰陰山傍男兒思報國努力事邊疆豈能
中顧私綢繆永相將死當膏埜草生當還故

鄉讀罷長惋歎屑涕沾衣裳東家有美女姣
好齊諸姜十三工組繡十五織流黃十六爲
中婦夫壻尚書郎画棟宿鸛鵒椅桐植鳳凰
比翼旣乙乙和鳴亦鏘鏘足不出門樞身不
離堂皇舉案相却略熙熙何豫康物情有榮
悴天道難預量憶昔與君別握手臨河陽咬
咬囀黃鳥宛宛垂朱楊臨岐何以贈爰結佩
與纓芳草擷蘅杜崇蘭折瓊芳相期在秋晏

願言歸朔方何意久行役十載空相望玉顏
坐銷歇無復施紅妝白首感秦烏蘋尾嗟河
魴惆悵失次第秉儀中自坊妾命古來薄何
爲獨摧傷

塞下曲

四首

朔風胡雁黑河流漢月秦關紫塞秋爲語陰
山猶轉戰閨中空望大刀頭

百戰曾教毳幕空更馭千騎獵湟中亦知吏

議深持法不分君恩薄報功

乘障銜枚晚渡濠陰風獵獵響弓刀玉關欲
滿擒胡月絕塞愁看太白高

去歲防秋出鞏昌今春移戍備燉煌翠樓西
望腸應斷飛夢空教渡漢陽

黃鵠篇

黃鵠舉兮翔八極忽中道兮亡其匹秉厥志
兮介以特匪故侶兮疇比翼鳳洩洩兮將厥

妃鳴噦噦兮上下于飛鵠兮鵠兮彼何辜兮
援琴寫怨兮中心悵而

黍離操

麥漸漸兮風蕭蕭日荒荒兮不明以煜爰瞻
烏兮誰之屋

招隱辭

山之桂兮叢叢水激激兮鳴迴風彼佳人兮
曷不我從駕飈輪兮騰飛龍 山之桂兮漠

漠石礪砢兮帶藂薄彼佳人兮不我作導玉
軟兮矯黃鵠山之桂兮枝相樛嵒銍隴兮
黜以幽彼佳人兮胡不我仇蔭芝蓋兮驂赤
蚪

思歸引

遙遙洛陽道綿綿道傍草車馬日班班倏忽
令人老秋草雖負霜春風爲迴槁玄髮一以
繁朱顏寧再好會合良有時榮名爲誰保去

去南山陞言從綺與皓

烏栖曲 三首

博山熏爐蘇合香雙燕交栖文杏梁花枝入
簾月初午起炙銀箏調雁柱

白門柳暗烏欲栖深院軸簾聞馬嘶青閣雙
尊九醞酒銀漢微茫落珠斗

却寒簾外春風寒美人罷舞羅衣單夜如何
其夜過半小花銀床輾轉轉

由庚堂集卷之二終

由庚堂集卷之三

緡雲鄭汝璧邦章甫著

五言古詩

閒居 四首

愚谷澹無營據梧竟日夕丹葉綴秋山白雲
漾空碧冥鴻矯何之斥鷃聊以適粲粲黃金
葩東籬吐佳色尊罍寒自啍苔錢綠已積抱
膝一長謠永懷空往昔賴此盈絃書因之慰

岑寂

淇園涼雨歇琅玕淨於浴端居寡所諧命客
進棋局呼尊竹葉深收枰松子落貞勝理固
常盈虛代相續爛柯夢幻間胡爲自結束百
過君肯來三逕堪秉燭

山泉吹石波鄰鄰錦文起不謂籬落間翛然
白雲裏氣爽天宇澄浮觴臨曲水青蓮擁飛
花紫霞盪遊鯉奔鼻激飛湍中有洄瀾砥脩

襖詎必春黃花殿芳芷扣石發商歌泠泠雜
流徵高山裊餘音濯纓方自此歲歲醉秋風
與爾二三子

厲屐陟崔嵬秋空縱游目飛梁偃長虹龍津
驚鷗沐緬懷吏隱踪遍剔蒼崖讀鳥跡落空
山寒鴟集古木風流千載間於焉有芳躅塵
紲亦何爲畏塗良碌碌所以采芝人相將侶
麋鹿余亦振余衣高歌臥雲谷

白雲洞示僧月林

月去千林幽月來千林白若以天眼觀虛空
了何跡爾愛紫金光迷儒作禪伯皈心禮白
雲遺形住青壁林端樹幾枯崖頭月幾昇非
月亦非林摩尼光自赫請作如是觀雲盡瑤
天碧

香秀篇

西壁軒蒼桂古栢二章亭亭競
爽類其上曰香秀爰命斯篇

愚谷有嘉樹鬱鬱挺芳姿言自招搖來幸結

新甫知託根同所願歲晏競華滋含精苟自
壽當門亦奚疑薜收肅兌令萬馥紛如遺金
粟始一吐三五香陸離豈不念霜霰獨樹翻
見奇青雲恣偃蹇白雪凌歲蕤女蘿無雜附
鳴鶴有高枝主人事幽賞對此相委蛇俯仰
見貞素盤錯良在斯呼尊集舊侶問月賦新
詩清芬襲素襟黛色映重帷小山賦招隱大
谷交參差桃李委晨露朝菌夕已萎咄咄桂

與栢造物一縱之叢生既獲所食實良有時
願葆歲寒盟千秋以爲期

忘歸臺燕眺

臺爲李陽
冰吏隱處

盤紆遵蘿逕舒嘯登崔嵬不見吏隱人萬古
空高臺白雲拂輕幘黃鳥催深杯頽然臥松
月欲下仍徘徊

溪樓偶成

初暘照前巒暉暉雲中樹璫臺生紫烟悄恍

僊人住我欲往尋之蒼茫阻洲渚拄頰睇層
丘秋光澹吾慮嚶鳴如有求鯨魚自相煦悠
然欣會心兀坐已成豫鴻寶徒空筌八公竟
何許却悟采真游人寰亦冲舉

兩浙壯遊爲吳韞菴中丞賦

八首

玄都泛艇

縉雲僊都山高峰入雲清流見底道
家所稱玄都祈僊二十九洞天者也

公春日游泳其間桃花新水望之飄
飄僊舟焉

吳公炳治行託志凌丹丘七命被兩浙緩帶
成春游玄都訪靈液理檝溯十洲花路漁人
引僊源森然幽澄潭躍赤鯉信棹隨白鷗因
風發高唱萬象恣冥搜沿洄轉深入胡麻爲
我流問津亦奚爲吾生良虛舟

赤壁畱雲

僊都迤西壁立千仞色多頽屯雲翦
鬱不減赤城標矣公漱石停雲六月
亡暑也壁端有巨跡若公畱云

藹藹卿雲姿亭亭僊人石泠泠御長風容容
吐奇色翔雲朝出山膚寸自成澤靈潤遍九
垓朱曦蕩炎赫卷舒無繫踪屯泄有真宅畱
之太古崖豐隆護丹壁若旱汝作霖油然蒼
蒼赤望霓時來思仰睇巨人跡

鼎湖問月

公嘗憇鼎湖峰下仰視干霄留連竟
夕浮白大呼曰明月可謠軒轅誰在
欣然庶幾遇之

清秋舉玉趾鼎湖探金蓮天柱摩九霄仰止
心悠然乘日懽已永十夜景逾鮮呼尊邀朗
月盈盈升華巔空同發彈素烟然濯肺肝霓
裳奏清御霍唳和鈞天裴徊聆緒風萬古號

龍髯廣成邈焉閭余樂茲僊僊

陽谷迎曦

陽谷洞東竅玲瓏日出先受光使君
愛而就之沍寒至止溫然挾纊也浙
人就使君亦復如是

使君冬之日曾暉周部簷緬焉起遐想晞髮
扶桑顛賓賓禮東旭知白守其玄寒谷一以
噓盎然生春溫盤覆無匿燭背曝有餘暄三

舍國陽揮六龍奮虞淵願言歌如升杲杲揭
中天顯允崇明惠景光長萬年

南明飛雨

出栢城渡河而南爲南明山石梁古
刹在焉頽眺城闌平疇極目公時省
耕于此甘澍大沛枯人迄今頌之

青陽改故條玄谷變新嚶行春省東作促駕
之南明石梁濺飛瀑磕磕鳴瑤琤曾城睨百

雉雲逕榮九莖初地聊以怡慈雲黻然生隨
車足霖霈提壺勸耦耕豐和鬯皇澤喁于抒
野情接離凌風歸道路多春聲

石洞觀泉

石門洞去麗水三十里瀑布千尺謝
康樂愛而居之太白所稱石門最可
觀者是也公行部時時遊焉風流千
古惟其有之是以似之

石門闢天關匹練掛其間謝公昔遊衍吳公
今盤桓隱隱白龍起噴沫潤千山忽驚瑤華
墜飛珮鳴潺湲呼吸但一氣變幻俄萬端掬
手盡一酌瑩然清心顏尋源渺星漢到海翻
層瀾風流兩公殷千載復誰攀

太鶴乘風

太鶴洞天在青田縣之巔傍有試劍
石故奇當秋風起時倚空同而聆雲

間者非公也耶

霞標明赤縣緱嶺縈青盤洞天陡以闢日月
跳雙丸長虹橫絕澗劒石何噴吼列風冷然
御庶珎薦瑤壇黃鶴爲我舞芝田爲我食倚
劒極俛仰周身生羽翰翩然凌秋發一舉摩
雲端四海睎羽儀燕鷗不可干

白雲咏雪

縉雲南山之半有洞深峭多藏白雲

積雪尤勝公至必吟其調彌高其和

彌寡

混沌何年開四壁摩羣峭玄崖肅氤氛白雲
含窈窕君子諧賞心曰以觀其竅百圍振寒
飈飈飈助清嘯儵忽雪山明瑤階鶴雙號縈
盈兆來豐皓潔奪衆妙素指御冰絲一鼓陽
春操試和國中人下里酬同調

僊榜巖壁立奇絕人跡罕至葛了成儼

築丹室其上余因賦此

秋中佳日多晨興理雙屐將從鸞鶴遊欣遇
蓬萊客花路沿松洲川光含霧白應接無凡
峰巨靈有遺跡鳥道盤虛空千尋聳丹壁航
奇賈先登臨危多辟易畸人恬心寬御風恣
採歷開林出疊空披雲坐磐石曾城疊紫霞
澄潭浸金碧咄哉天際觀帝閭排咫尺翹首
神奮揚欲逞問脩翮葛洪營丹砂子真適其

適願言巢雲松長此鍊玉液千載垂景光齊
登列僊籍

送友人歸三衢

二首

猗蘭擢芳蕤紛緼吐薌澤與子勗同心綢繆
在昕夕驚飈西南馳天路垂羽翼游子思斑
衣高堂感垂白承顏良以懽臨岐意轉惻所
惻非別離相知日以隔

君去嚴陵瀨春水何潺湲上有芙蓉臺遙對

江郎山仰矚凌日月俯瞰眇塵寰行行恣高
陟四望開心顏感此意何極浮雲殊未還興
懷渺難寄臨風獨流歎

予營丹室於僊榜巖鐵城先生以詩見
懷賦荅

流光駭波駛區緣觸日生嗤萌矜促晷畸人
究至精玄都有真宅僊臺十二城南郭勤採
計東里試經營遂此天際想將無物外櫻上

德秉遐尚樓居亦以寧飄然託心素揮手惠
芳聲市隱嫌山淺雲栖欣地靈我幾于何岡
却御還先登洪崖舊結侶玉籙新奏名一舉
渺雲漢世路安足程願言葆金石東方多歲
星

愚谷漫述用張洪陽小齋長慶體五十
韻

四十二年非遽然一朝覺覺已慎勿迷迷來

依舊錯迷錯亦何因意識苦纏縛嗒坐見真
吾自悟還自喩認賊作家兒操戈室中虐
目生空華無端覓兎角狂逐萬馬馳癡狗五
鼎鑊金紫費經營竹帛閒商略躍馬願千秋
中忘縻好爵體貌事矜持語言工琢削根從
輪裏迴聲向市中攫朝命夕飲水執熱誰能
濯慾火燒須彌忿浪排山嶽牢落苦海中翻
謂有至樂覆隍守鹿蕉華堂寢燕雀規規埴

井鼃望洋驚海若衆楚咻一齊前步邯鄲却
外相紛牽拏內觀畏拘着聰明無明多七竅
七日鑿病深始求艾病已勿復藥良玉石可
攻真金火堪鑠谷口賦歸來灝氣時磅礴巖
栖物外身徒脫塵中脚降魔鑄慧劍齊斬諸
落索杜門罷草玄心跡雙寂寞藜藿欣一飽
明志甘澹薄利方詎爲圓返雕期抱朴哉彼
圖南翼斂却干將鏑伎倆一時捐冥心合冲

漠虛舟恣遨遊遽廬暫棲託幻呼應馬牛溷
跡齊龍蠖川停風際波谷王虛中簫觀妙一
以深世味同蠟嚼道耨力長勤後得忘秋穫
知者自不言塵談戒浮謔真契老斲輪至腴
舍糟粕絕利歸一源智囊饒臆度當午日行
空螢光憐一爝死生齊晝夜彭殤等晦朔靜
裏有乾坤空中自樓閣懶似宿岫雲癯比清
齋鶴長嘯和天倪烟霞諧夙約冥鴻遊九霄

尺屋生集 卷之三 三
弋人亦何繳愛河有時枯彼岸終棲泊一念
千萬年一掌血一渥內外方兩遊去住洞如
灼真實歸其根皮毛盡脫落寂照含虛空天
光竟寥廓流覽八極周中邊撒鄴鄂功滿覺
澄圓偉哉還卓犖

將入雁山張明府邀同何无咎飲西臯
塔院

微尚寄名山二雁來杖屨山靈欲試余雨師

遣相遇賈勇氣方新天光發衷慤夕翳忽以
祛晨熹恍將露僊吏諧夙心輟琴枉三顧置
酒臨崇岡翠盤引高步古刹入青霄千峰莽
迴互海色生暮潮葉葉風檣度盪胸已生雲
握麈旋披霧日落返巾車徘徊雙溪路明發
謝主人花紅復來晤

偕趙心堂司寇沈玉陽奉常丁敬宇廷尉遊牛首山

秣陵秋色佳賞心耦時詰晨出南郭門商飈
動林樾脩途遵松篁行行望天闕鷺嶺標雙
巒鳥道紆百折丹梯一以昇香臺境殊絕崖
畱太古雲泉沁千年雪佛閣撐虛空僧寮嵌
危嶠上方窮躋攀八荒坐超忽紫氣鬱龍盤
朱霞明雉堞長江萬里來烟波遙明滅秀色
洵可餐安用伊蒲設徙倚過東林恠石巋然
列青天削芙蓉樓居足禪悅玄對言已忘神

融跡俱徹窮日猶未央明發難爲別迴眸矚
嶙峋登車仍屢歇豈伊山靈契將復朋簪浹
重來良有期春秋賸嘉月

送蔡少兼符卿歸淮南

太虛過浮雲卷舒靡定跡吾道有詘信達者
恣所適尚璽揚清芬中心抱貞白一仕四十
年家徒立四壁出入將母俱菽水驪朝夕彊
起効葵傾畱滯甘薪積抗疏叩九閭憂時實

雙泣聽高願莫酬歸歟計初得淮南芳樹多
濯纓漱白石南郭擁臯比北窻注周易鳳鳥
千仞翔那復問鷄肋臭味余偶同風塵爾先
息何處遙相思韋編照顏色

後出塞有懷鐵城叅知遂寄斯章

遊子遠行役迢迢事戎行浮雲西南馳伊人
天一方驅車歷長坂四顧立旁徨言念平生
親奄忽成參商紫芝秀瑤島白草蔓龍荒行

邁踰幾時所見倏以更奉身寄邊徼徘徊歌
慨懷遐心向風發客路隨波揚豈無銅柱標
緬焉思滄浪飛鴻渺南逝形影惜相望慙慙
加飡飯眷此丹玉房鐵崖高萬尋青蓮吐幽
芳予懷諒匪石君心安可忘歲晏結清歡千
載殊未央

夏日赴秦計部郊讌

邊關息烽燧四郊淨無塵河朔有嘉招趣駕

之西闥玉門風物遲五月成暮春平疇翠方
積細柳綠已勻葡萄出新釀瓜李錯庶玠說
劍紛俛仰笙簧襍前陳投醪逮衛士歌薰阜
農人開襟延遠色縱目芹河濱雙虹偃飛梁
萬馬飲通津雨餘暑更薄天長地如伸臨濠
動遐想景會神俱親日落迴輕車揮戈復逡
巡銅鞮凌風發接騷倒着巾時清足緩帶重
來及芳辰

山右抹荒感賦

悠悠彼蒼天
膏膏曷有極
下民一何辜
遭茲陽九厄
澤波觸崑崙
城闔爲溟濤
疑是鼇軸
翻轉覺乾坤
圯隴晦穴
鼃鼃蓁蓁
蔽阡陌
民俗少
蓋藏積困
無儋石
斗粟溢
萬錢茅茨空
四壁死者化
爲魚存者半
爲腊
易子具
夕殮炊骸備
朝食餘烈及
樹皮何論梁
與稷豺虎走
中逵一望空
蕉澤樂生旣
無如嘯聚頗
充

斥日落行旅稀通津有鳴鏑余適撫大東回
天恨無力感此目爲蒿中宵三太息請命叩
九閭傍皇復沾臆思拯企聖謨能無念饑溺
朝下列郡符暮下窮鄉檄廩廩發宿儲鄰封
仍貸糴聚糧饋饘糜扶携集蒼赤調饑悉來
歸食指動千億已知春事熙坐見妖氛熄陽
光一以披融融迴菜色大造無偏阿萬類托
生植安得上皇年八荒同化域

汪鼎甫從余出塞嚮道甚勤詩以勗之
且訂仙都之約

太道絕紆曲信趾游康莊顧影一以疑臨岐
泣徬皇畸人奮至精芥端析毫芒金鑕剖內
翳火蓮開新芳嗟彼悠悠兒履錯空趨蹌睽
目月在指亡羊穀與臧之子乘遐尚皈心禮
大方徘徊費瞻忽荏苒駛流光斑詎窺全
七襄未成章竭來事荒微寒標厲秋霜一人

雄九軍萬敵敢披猖疑義恣探討起予多勛
勦貌肥戰初勝意得言俱忘直入無窮門大
同乎混茫此日難再得彼岸洵可杭仙都屹
天柱赤壁頰滄浪歸雲堪託宿振衣凌高岡
懸屋一撒手九萬同翱翔余心旣匪席君腸
勁於鋼精進復精進覺路永相望

送邵不朋孝廉還京省覲兼期首春過

我

客從長安來寄栖雙玉樹下帷洽文心披襟
道驩懽登臺睇上京遙挹雲飛處旁皇命輶
車還向長安去驚飈走邊沙積雪迷官渡豈
不念苦辛庭趨深孺慕惜別戀須臾臨岐重
四顧鵬鶚摩青霄千秋寧竹素廖廓有勝因
徘徊竟迷誤理融混色空跡泯齊龍蠖經綸
出緒餘精輪策前步西齋榻未懸王正竚良
晤

題玉舉齋

儒將推征南折衝在尊俎肯構揚清標攔然
振芳緒敦悅雅稱詩軒軒看玉舉一室安足
營千里自綦組駿烈景前脩壯心托疆圉爲
爾賦緇衣勗旃繩祖武

由庚堂集卷之三終

由庚堂集卷之四

縉雲鄭汝璧邦章甫著

七言古詩

聖覽亭長歌爲金華曾使君賦

高皇昔年駕六飛手提三尺親戎衣萬馬長
驅下婺女縹緲金輿度翠微翠微郡對芙蓉
開中天突兀黃金臺皇情悅豫稱壯哉九霄
清蹕時裴徊裴徊一顧萬峰碧峰峰盡吐虹

霓色妖氛蕩掃文昌現首建泮宮歌樸棧四
賢餘韻流清芳回風至道登黃唐列聖揚謨
重南顧保邦致治思循良臨川太守負雋望
滿目雲山神愈王雲山幸結聖主知守臣欲
獻金湯頌高閣重懸日月光紫氣繚繞南斗
傍雲中彷彿度龍馬城裡行看下鳳凰神京
北望三千里朝宗心逐雙溪水願奉當年一
睽恩行春散入千家裡政成緩帶時來遊水

色山光盡入樓錦帆片片浮碧落黃雲藹藹
盈滄洲盪胸不知天地濶極目時見雲霞流
兒童拍手歌樂只醉翁旣醉還綢繆君不見
淞東諸城大如斗輿圖得入重瞳否太守風
流代有之恢張皇覽應有時又不見戲馬臺
荒罷歌舞南樓月落增淒楚寧似明良相後
先坐鎮江山輝萬古

快哉行

亭午涼飈起高閣祝融無威暑氣薄科頭却
受松下吹枕石拋書百不作須臾夕陽下山
去金波蕩漾前溪樹明月東山人北窻帝也
遣之華胥住匡牀生白雞旣嗚呼童汲井花
間行正愁日出苦炎熱忽有好雨來前楹三
益堂中課兒讀新篁簌簌萬竿綠分題向客
一揮毫飲水食糜亦以足憶昔誤踏長安塵
揮汗揚鞭愁殺人馬頭風沙日湏洞夢中山

色空嶙峋竹林那可少中散谷口今看歸子
真任他將迎闕人事閒身肯負天公賜灼艾
聊杜百日權玄言好註三千字君不見鶴鶴
一枝樗十圍快哉彈斧將誰施愚公且盡北
山樂茫茫天地吾何知

浮玉山歌爲沈玉陽先生賦

震澤蹴天三萬頃倒掛扶桑浴朝景波心忽
擁金銀臺蒼雲澄鮮夜光炯浮玉山前生紫

烟曾城喬木何葱芊星橋平分烏兔影蘭橈
時破鷺鷥天主人卜築山之陽芝房桂館遙
相望朱鳥雛鳴儼丹穴白虹繚繞垂精光此
山浮玉人亦玉山公特達動廖廓不言下成
桃李蹊閒心愛住烟波曲青絲載酒逐菰蘆
欸乃聲傳映杯綠四時澹宕渺何窮萬事浮
游亦易足荆璫魯寶世所珍高擎八柱撐麒
麟玄雲分席那得久蒼生彊起東山岑碧浪

湖頭別經歲夢迴猶繞吳興樹貌將丘壑施
生綃移得滄浪入佳句我來省署謬知己飲
醇揮麈恣容與行時喜見珊瑚隨坐處終媿
蒹葭倚以公婉玉玉未豐以山儷公山非隆
君不見令公自昔稱玉人見如玉山山上行
又不見謝家玉樹生庭除觸目琳琅璠與璵
洞庭汪汪千頃陂天目逶迤萬峰紫玉壘藍
田互終始此山此翁亦如此

賓陽圖長歌

仙都之山何玲瓏天雞啞啞扶桑紅重輪升
天乘閬風賓賓者誰樊次公次公才情富丘
壑逸氣超超凌海嶽荏苒流光感蟋蟀逍遙
倒景騖鸞霍仙人璇房七十二鼎湖突兀誇
神異軒皇弭節咸池東六龍電掣羲和轡朱
光閃閃金銀臺二室三花次第開滄海桑田
幾照耀齊州點點生浮埃雙丸飛擲弄萬古

世事悠悠那足數醉倒元是高陽徒生來便
住神仙府晞髮揮戈不足奇補天浴日亦奚
爲何如縣圃牽黃獨更向深山拾紫芝紫芝
宛轉桃源裏芙蓉冉冉飛花起片峽九泥可
盡封萬壑千崖難具紀主人丹竈扃其中洞
房曲檻相勾通黃庭一編手自讀揮絃萬里
送歸鴻三秋秋陽高且潔主人初度初筵設
華陽之巾鶴氅衣肅客儼是群仙接潭上杞

菊薦洪崖洞中石髓飡王烈賓雲一曲按璫
笙清境夔與塵寰別是時杲杲斨如升玉樹
叅差暎赤城南極星芒北斗爛麗天久照垂
鴻名我亦煙霞駘蕩人十年脫屣長安塵谷
口子真聊自許商山綺皓時相親期君好結
紫芝侶春風共飲胡麻水歲歲仙都祝大椿
八千日月從此始

石門洞觀瀑歌時方苦旱

石門雙峰高插天翠崖丹壁生雲烟谷轉溪
迴入窈窕中有萬丈濤落之飛泉飛泉倒挂
銀河白玉屑霏霏瀉靈液天青日紫風雨喧
長虹激電亂相射倏忽難將舞態窮繽紛乍
破鴻濛色好景長畱我輩看千載風流謝公
展我來選勝一賞心高山再鼓丘中琴是時
祝融煽埃鬱六月萬里愁甘霖願得崇朝借
爲雨普天大地清徂暑功成宋宋歸玄冥搔

首長空重延佇

武夷洪上人過訪愚谷山房賦贈

武夷山水天下奇
滌流九曲通建溪
溪上蒼髯石千尺
中峰迴合開招提
摩尼光芒燭星斗
迦陵鶯說獅猊吼
髣髴靈山會未移
中有陳喬爲上首
問疾能參不二門
談空已見離諸有
衣裊珠光寶月圓
竭來應化離人天
肩瓢飛錫向南戒
鼎湖之上採金蓮

山經載鼎湖上有金

蓮花吹落婺女間
遂以金華名郡

金蓮搖落已千古天柱屹

立溪之滸搔首長空一物無鶴馭龍髯渺難
覩掛一瓢兮雙樹間却來尋取愚公山愚公
兀兀萬緣息據梧嗒爾心長閒閒心對爾良
悠悠白雲飛盡寒山秋但看庭前雙古栢栢
子青青風點頭生公若悟箇中意綠水青山
正好遊

竹虛歌贈居巢孫山人

君不愛種萬樹桃與李又不愛種千章梓與
杞手植青竹三萬箇箇迸雲矗天起自言
百卉凋秋風豫章秀實寧虛中以茲獨賞淇
園趣剗心太古窺鴻蒙紫筍摩挲已吐節冉
冉修篁傲冰雪圓質規中一象天玉壺恍貯
青鳥訣青鳥先生妙入玄玄功欲操中帝權
靜從石室探元始日與此君相周旋世愛此
君爲破俗先生愛君照幽獨鸞鳳時傳天外

音橐籥春回嶰中谷一夜雨足夾池雲裊裊
龍孫手自分裁作仙人九節杖遍踏五嶽觀
丘墳忽然經過葛陂道化龍飛入蓬萊島閱
盡江南千萬峰更向仙都尋五老我家谷口
足檀欒翠葉新成竹籜冠與君把臂中林飲
多君千里能交驩交驩共賦中林月時向山
山采玉屑洞中石髓軟堪食世上玄機秘將
泄歸來長揖此君前呼僮掃葉烹湘川石床

搖影月滿腹乾坤此意神俱傳君不見渭川
千畝空自誇會稽美種東南賒練實自下鵝
皇食觸目琅玕屬謝家又不見七賢最重山
公識六逸曾登謫仙籍欣賞還垂千載名知
音似采柯亭笛江南迢遞越江濤何處相思
萬玉林青鞋好記來時路山氣玲瓏太白深
金華放歌贈曾景默使君

我本山人不出山十季寤寐使君顏忽訝星

輶指嫠女鹿田咫尺仙都間一日布帆破秋色
芒鞋踏月雙溪灣握手相看竝驚喜湛湛
披襟澹秋水羨君爲郡日飲醇五袴兩岐歌
滿耳我來賞勝兼賞心使君如玉復如金朱
絃載奏白雪調浮雲忽霽青山岑九月涼風
吹木杪策杖攜壺恣幽討三洞尚羊訪赤松
石室冥搜拾瑤草昔年共踏長安塵酣歌擊
筑傍無人中原回首散兄弟與君此會如有

神丈夫七尺會自葆悠悠路傍那足道君和
栢梁勒鼎鐘我歸愚谷探鴻寶千秋願保金
石盟歷落乾坤幾友生請看楚越雙龍色紫
氣崢嶸亘太清

洞口遇雨戲荅初平兄弟

黃初平初起
牧羊金華山

谷潭逸客何太奇吐吞五岳鞭雲螭忽然遇
雨青羊澗乾坤混合雲迷離平起向予笑絕
倒笑予茲遊何草草去年劉阮乘春來君來

却值秋花老我聞洞府多靈芝瑤壇玄圃春
四時採藥若還分二候公等猶是亡羊兒青
山澹澹長相隨白雲處處堪支願明年秋色
携家弟掛却羊裘君始知

緩歌簡徐迴石

昔登武夷山九曲秋潺湲幔亭環珮聲珊珊
疑有僊人居其間日落空山久延佇峭壁深
林寂無語鸞笙縹緲迴天風我欲從之隔煙

渚却笑凡骨未應仙苦向塵寰學冲舉近來
得晤徐南州丰姿瀟洒神仙儔谷口玄譚坐
明月恍疑身與安期遊吁嗟徐君志何烈金
華三洞亦奇絕便好相從問大還醉來高臥
赤松雪人間蜃螭聲啾啾齊州九點青浮漚
駐顏不煉金華液白日揮戈未可畱

創虜歌

史夷外叛勾虜犯邊移余備兵赤城會諸將搗之其子紅亥等

就擒錫

賚有差

赤城城頭月如練白龍堆裏風吹霰黃狐跳
梁追赤狐中夜馬嘶史酋遁藩籬自昔受羈
縻久秦一朝仍外叛幕南部落日招呼安兔
諸羌頗精悍公然南牧躡秋原致令西顧勤
宵旰嗟余剖竹忝疆場安得輕裘惟讌衍元
戎心脅僉叶謀授律碼牙宣廟算山搖雪色
晃戈鋌雲閃日光明組練一鼓雄將虎穴穿
群醜驚風股先顛射海寧畱跋浪鯨燎原欲

盡傾巢燕胡雛駢首繫長纓遺孽游魂泣京
觀尺書飛捷向長安文幣朱提拜皇眷已看
天威震五原敢謂天山定三箭噫噓吁由來
獫狁開邊患懾懾懷柔在救變勤王回鶻豈
附唐尚主烏孫終背漢曾聞丹浦亦觀兵爲
語清時莫忘戰

節孝吟爲趙司寇大母母題

鄞江城頭烏夜啼趙婦機上風淒淒堂垂雙

白吊寒影皚皚黃口如懸絲徘徊欲死未敢
死仰眎姑嫜俯眎子流將玉筋和熊丸易得
辟纊調甘旨千辛萬折屹如山立孤全趙良
獨難冰壺照心鬢照雪夫君重見無慙顏子
也明經志寥廓束脩奉母長垂橐天爲德婺
娛脩齡殷勤新婦共藜藿脫簪時爲佐朝餐
截髮寧惜雲鬟殘姑昔代夫承親驪婦今助
夫亦好還君不見宇宙茫茫那可數託孤嬰

杵儔其伍爭似巾幗稱丈夫頰仰乾坤氣爲
吐又不見色養由來子道難萊婦千秋未可
攀是姑是婦天所植雙標凜凜風冥頑誰道
蒼蒼竟難測龍媒矯首天門翼翟茀煌煌賁
夜臺彤史錚錚標內則浴日今看趙上卿忠
良自古孝門得剔豎鬚眉天壤間代取青編
照顏色

關漢壽亭侯像長歌

壯繆錚錚腸如鍊吐吞河岳貫日月正氣長
畱宇宙間靈爽騎箕扈天闕丹青彷彿見真
容虬髯燕頤方頤紅關門古月照顏色叱咤
萬馬鳴秋風冰壺湛湛天如水午夜挑燈讀
左氏百年盜賊何縱橫裂背盪胸髮上指生
前未得殲孫曹遺恨荆襄空壁壘上帝畀之
萬古權神功赫赫騰八埏兒童父老紛拜舞
雲旗鶴駕相周旋嗚呼炎鼎銅臺今在否霸

業王圖誰不朽獨餘徑寸爲劉心三精兩曜
同悠久丈夫七八時抖擻一笑勛名復何有
橐筆爲公一浩歌俯仰乾坤重搔首

孝子謠題王生卷

生倭警時
以身代母

兒之生生自母兒無母生何有母之生生自
兒母無兒生奚爲母子相生還相顧似鳥生
烏烏反哺酬母所生兒卽死死戴青天載黃
土吁嗟王生得死所

太平宴歌

高皇首出乘六龍戎衣一掃羗羶空滅澤神
威薄海外重離化日當天中於鑠文皇明
兩作肅駕三犁卷沙漠北平奄宅奠神臯瀛
海爲池枕恒嶽九邊萬里開金湯增繒和親
卑漢唐列聖訐讜日光煜六師訓練時張皇
不毛窮髮盡賓服雕題黑齒咸梯航名王叩
關日輸貢蒲桃天馬隨銀甕聊將表餌示羈

縻仍飭兵車雜耕種榆林自昔雄三秦當關
士馬何訕訕五花繡整魚麗陣七萃齊開虎
旅軍軍聲久讐套中虜受降城西各分部上
莊叅養倏携心反覆渝盟懷首鼠招要乘間
復鴟張出沒無時還鳥舉至尊西顧勤宵衣
比屋黔黎未安堵憶昔提兵十載前重承簡
命復行邊申嚴號令軍容振兼布恩威主德
宣坐使先聲揚敵愾三路黠酋同款塞稽崩

受賜聽傳呼解辮纍纍望塵拜風清鈴閣寂
無譁綠耳臙脂入漢家城砦終宵息烽燧寧
廬亭障接龍沙王會新圖開赤縣太平有象
今仍見考鍾擊鼓集材官張幕椎牛事歡讌
細柳烟消列校營團花霞簇征袍茜牙旌赤
羽映轅門煦日和風滿郊甸宴安自古良足
憂緩帶寧爲肉食謀衣衲由來存烟戒昔聞
雪皐仍資舟輶戈臥鼓易生玩桑土先雨須

綱繆還教痛飲黃龍府重看勒石燕山頭振
旅愷歌時九奏淑氣休徵盈宇宙願言帝德
紹唐虞太平齊獻南山壽

綠綺吟

武林李子善琴傳自九十孀母
出諸君所爲節孝冊示余余嘉

其事
賦此

堂有綠綺琴母子自知音母彈別霍操子作
啼鳥吟一彈一絃悽人心梧桐滿院生秋陰
吁嗟乎啼鳥飛兮繞庭樹聲啞啞兮思反哺

恍朱絲兮音相和別霍怨兮繞庭臯
唳霜月兮遡清飈恍朱絲兮音相調
母一曲兮子一曲斑斕乍剪宜春服
起壽母兮綏百福君不見西湖絲管
日紛紛五夜酣歌徹水雲此曲人間
聞不聞爭似君家綠綺徽黃金北堂
佳氣春氤氲

送何无咎還永嘉并簡木父諸君

浙東東頭美山水鼎湖台岩矗天起
人家盡

對芙蓉開生身便住仙源裏永嘉有客梅花
顛兩屐齊將二雁穿朱絃遞奏白雪調丹青
詩卷紛相傳忽余驅車走朔漠三秋萬里動
廖廓裂眚不禁眼中人飛箋邀坐蓮花幕黃
雲白草起悲歌漢月秦關歲若何揮毫直紀
燕然上倚劒時翻勅勒多更有花源臨曲洑
清寧臺高連秦時酣呼擊節下雙鵬意氣凌
霄渺百雉與君此會如有神北嶠共下雲中

身城當不夜天俱永語到無言思轉親三月
清和隄桺發遊子翩翩憶歸越驪歌慷慨雜
邊聲挽之不得坐超忽到日應憐百卉腓別
後可任知音稀乘風欲寄相思曲曲曲懷人
度翠微翠微迢遞多佳侶倦翻周環學冲舉
太平歸老越江湄脩禊逢春仍上巳蓬跡寧
從塞外羈閒心時向空中栖與君共坐西齋
月却數并州夜語時

陸庚堂集卷之四

十七

由庚堂集卷之四終